

Umhverfis- og auðlindaráðuneytið
Skuggasund 1
101 Reykjavík.

PS 00.70 Garðabær 22. október 2018

Sent á samráðsgátt Stjórnarráðsins.

Umsögn um drög að breytingu á reglugerð 737/2003 um meðhöndlun úrgangs m.s.b. vegna sérstaks úrgangs frá heilbrigðisþjónustu.

Heilbrigðisnefnd Hafnarfjarðar og Kópavogssvæðis hefur fengið erindi frá Umhverfis- og auðlinda-ráðuneytinu, dagsett 5. október 2018, þar sem óskað er eftir umsögn um drög að breytingum á reglugerð um meðhöndlun úrgangs.

Nefndin gerir tvær athugasemdir við ofangreind drög er varðar meðferð á sérstökum úrgangi frá heilbrigðisþjónustu en kýs að koma einnig með eina ábendingu.

Athugasemdir:

1. Orðalag.

Setningin; *Heilbrigðisþjónusta og stofur sem stunda húðrof, húðgatanir og húðflúr* er marg-endurtekin og er hálfgerður tungubrjótur í því samhengi sem er að finna í þessum drögum að reglugerðarbreytingu.

Skilgreining a orðinu heilbrigðisþjónusta nær yfir mjög fjölbætta starfsemi þar sem í mörgum tilvikum fellur til viðkvæmur eða viðsjárverður úrgangur. Má þar nefna líkamshluta, vefi úr líkama manna og dýra, lyfjaúrgang og geislavirk efni. Sérstakur úrgangur sem fellur til á stofum þar sem fer fram húðrof, húðgötun og húðflúr er nánast eingöngu nálar o.þ.h. sem fer í „gul-box“.

Það er misvægi við að stilla upp setningunni *Heilbrigðisþjónusta og stofur sem stunda húðrof, húðgatanir og húðflúr*. Vægi allrar þeirrar starfsemi sem fellur undir heilbrigðisþjónustu er langt fram yfir það sem síðarnefndu stofurnar geta valdið þegar kemur að sérstökum úrgangi. Það færi mun betur á því að setja undir skilgreininguna á heilbrigðisstofnanir að í þessari reglugerð næði skilgreiningin á heilbrigðisþjónustu einnig til stofa þar sem fram færi húðrof, húðgötun eða húðflúr vegna eðli og gerðar úrgangs frá slíkum stofum. Annar kostur væri að finna eitthvað þægilegt samheiti yfir þessar stofur og fella það inn í texta.

Framsetningin í texta draganna talar niður mikilvægi heilbrigðisstofnanna og þann sértæka vanda sem þær búa við er kemur að utanumhaldi og skilum á sérstökum úrgangi.

2. Grein 3.

Samkvæmt greininni mun 16. grein innihalda ákvæði um smitandi úrgang. Í núgildandi reglugerð fjallar 16. grein um almennan þrifnað utanhúss. Ekki kemur fram í drögunum að greinar frá 16. og aftur fái nýtt númer. Það eru væntanlega mistök sem þarf að leiðrétta fyrir útgáfu reglugerðarinnar.



Ef hins vegar stendur til að fella út ákvæði núgildandi 16. greinar kallar það á skýringu því mörg ákvæði sem þar er að finna eru afar mikilvæg fyrir almennt umhverfiseftirlit heilbrigðisnefndar.

Ábending

1. Tafla, dálkur um spilliefni

Vakin er athygli á því að samkvætt reglugerð nr. 550/2018 eru söfnunar- og móttökustöðvar fyrir spilliefni ekki lengur starfsleyfis skyldar. Þarf að leiðrétta í dálki um spilliefni í reglugerðinni.

F.h. heilbrigðiseftirlits

Páll Stefánsson
heilbrigðisfulltrúi

